

MAIDEN
EDITION

PUBLIC AFFAIRS

January - March 2001

VOLUME 01 ISSUE NO 1

2001-04-30



LESOTHO DEFENCE FORCE



MARA

HA A SE NA LIHLOELA A OELA

Registered at the GPO as a non-profit making newspaper



Re hetla morao: pale ea bophelo ba Lt Gen Mōsakeng

Operation Maluti e chorisa sesole sa Lesotho

Sesole se hoanta khahlanong le lefu la HIV/AIDS

Bahlophisi

Mohlophisi

Captain Tanki Josias Mothae

Baqolotsi ba ka Sehloohong

WOII Selebalo Peter Sebe
WOII Ntele Emmanuel Masoetsa

Baqolotsi

Cpl Boitseko James Molapo
Pte Thabiso Edgar Rajane
Pte Rapele Mphaki
Pte Ntele Ntoi
Pte Sakeng Lekola
Pte Tankiso Nkoho
Pte Tšepo Phaila
Pte Shokhoa Taeli
Pte Jese Hulane
Pte Serame Posholi

Litšoantšo

LDF Photography Section

Boelets

Dr Lebohang Lejakane
LL Productions Media
Consultancy (Pty) Ltd
P O Box 9561
Maseru. 100
Tel: (09266) 335949

E tekuae ke ba

Lesotho Business Services
Development House,
Kingsway, Maseru
Tel: (09266) 323963/4/7
Fax: (09266) 310081
E-Mail: lbs@quadrant.co.ls

LITŠOANTŠO QEPHENG LA PELE SE SEHOLO:


1. Motlotlehi Letsie III o beea lipalesa
mohla sehopotso sa Armistice Day

TSE NYENYANE (HO TLOHA HOLIMO):

1. Lt Gen A M Mosakeng o bua le
morena oa Tlhanyaku, Mokhotlong
2. Mabotho a sesole a lebetseng moeli
oa rona Mokhotlong.
3. Bo-mek'heniki (LDF Motor Mechan-
ics) ba sesole ba itokisetsa tšebetso
4. Lt Gen Mosakeng o ile a fumana
monyetla oa ho buisana le bana ba
Matlaong, Mokhotlong.

Tse ka kotleng

Tsa Bohlophisi	Pg 3
Ba pholoha ka mohlolo ha sefokane se joaramana	Pg 3
Operation Maluti e chorisa sesole sa Lesotho	Pg 4
Re hetla morao: pale ea bophelo ba Lt Gen Mosakeng	Pg 5
Sesole se hoanta khahlanong le lefu la HIV/AIDS	Pg 7
Morena oa Ha Konote o phafa sesole	Pg 8
LFDS ea ipabola ka maluting	Pg 9
Mabotho a tla tsoa a bolokile khotso ka boroa	Pg 9
Lijahi tsa LDF li bona tosa le malinyane	Pg 10
Litšoantšo tsa liketsahalo	Pg 12-13
Ho hlatsoa makoloi ho ka phelisa lelapa	Pg 14
LDF e reka liroala-nkhoana tse ncha	Pg 14
Ka 'marakeng	Pg 15
Pale ea bophelo ba Major General Thibeli	Pg 16
Tlhopho-bocha ea sesole	Pg 18
Mochesane oa boloko	Pg 19
Batlalehi ba ele hloko ho haboloa - Mosakeng	Pg 20
Litšoantšo tsa lepat	Pg 22



Tsa Bohlophisi



Mara ke pampiri ea molao ea sesole sa Lesotho, e thehiloeng ke botsamaisi ba sesole (LDF) ka Pherekhong

selemong sena se holimo.

Pampiri ena e hopoletsoe ho fana ka molaetsa oa botsamaisi ba sesole ho masole ohle ka mafapha a bona ka ho fapana. Ho feta moo, e tla tsebisa malapa a masole a Lesotho ka mokhoa oo ho sebetsoang ka oona sesoleng.

Hantle, sepheo ke hore pampiri ena e se ke ea sheba ho masole feela. E boetse e hopoletsoe hore sechaba sa Basotho le sona se fane ka maikutlo a hore na sesole sa sona se ka ntlafatsoa joang. Maikutlo ana a sechaba a hopoletsoe ho etsa tlatsetso ntlafatsong ea pampiri ena.

Sechaba se tsebisoa hore pampiri ena e tla hlahisoa ha 'ngoe ka likhoeli tse peli, 'me e tla fumaneha ntle le tefello ea letho.

Captain Tanki Josias Mothae
Mohlophisi

**Babali bohle ba memeloa
ho re ngolla ka aterese e
latelang:**

**Mohlophisi
Mara
P O Box 54
Maseru, 100
Lesotho
Tel: +266 32 6080
Fax: +266 31 0351**

Ba pholoha ka mohlolo ha sefofane se joaramana



ka
WO1 Ntele Masoetsa

Litho tse 13 tsa sesole sa Lesotho (LDF) li ile tsa phonyoha lefu ha sefofane seo ba neng ba se

tloaelo, "Ra bona se se se kheloha lebala re ea metsotsoana e se mekae feela sa be se thutse ntlo e 'ngoe hona pel'a lebala" a rialo Letsoela.

E mong oa baokameli ba neng ba lokela ho palama ho tla



Sefofane sa LDF se bjaramana ka lebenkeleng

palame se soahlamana boema fofane ba Mokhotlong ka Moqebelo oa la 16 Tšitoe, 2000.

Sefafone sena se ile sa tsietsa baqhobi ba sona e leng mofofisi Lieutenant Mojalefa Letsoela, mothusi oa hae Lieutenant Taemane Madamane le motei oa sona, Corporal Mphoi Lepphoto 'me ba ile ba tsoa likotsi tse bobebe haholo, ha e le masole a neng a palame le bona 'ona, a tsoile a sena likotsi tsa letho.

Lt Letsoela o boletse hore sefofane se lutse fatše, 'me sa matha har'a lebala joale ka

Maseru, Sergeant Mokhachane Lerotholi, o itse masole a habo a re a se a tšohile haholo, hoo ba neng ba se maemong a ho se palama; le ha hole joalo, makoloi a sesole a ile a romeloa Mokhotlong ho ba tlisa Maseru.

Ha se lekhetlo la pele sefofane sa mofuta ona oa CASA 212-300 se e ba le kotsi. Se seng se ne se oe Ha Mpiti seterekeng sa Qacha's Nek ka 1989, moo se neng se bolae masole a 18.

Phatlalatso e entsoeng ke ofisiri ea likamano ea boema-fofane ba sesole Mejametalana, Lt Moeketsi Mohlahatsa e boletse hore sefofane sena se tla

li tsoela pele qepheng la 8

Operation Maluti e chorisa sesole sa Lesotho



**Ka Pte
Tankiso Nkoho**

Mookameli oa setsi sa koetliso ea sesole, Majoro Kopano Thoola, o re Operation Maluti e thomiloe ka Motšeanong 1999, ho koetlisa le ho lokisa sesole ho tšireletsa meeli ea naha ka katleho.

Puisanong e neng e le sekolong sa sesole sa Makoanyane ka la 8 Hlakola, Mookameli o itse masole a mangata a ile a nka karolo meferefereng ea lipolotiki ka 1998. Ka lebaka leo, ha etsoa qeto ea hore sesole sa Lesotho se koetlisoe bocha e le ho se etsa sesole se nang le boikarebello le boiphihlelo bo lebeloetsoeng sesoleng sa naha.

“Mabotho a kopanetsoeng a Botswana, Lesotho, South Africa le

Barupelli ba tsoang Botswana, South Africa, Zimbabwe le Lesotho

Zimbabwe a ne a etse meralo e tla atlehisa Operation Maluti,” Majoro a rialo.

Mookameli oa setsi a re ba ile ba ruta mafapha ohle a taolo ka meralo ea tšebetso e le ho matlafatsa boitšoaro, kutloisiso ea molao o tsamaisang sesole, esita le boiphihlelo ba sesole.

“Mabotho a rona a tseba ka likamano tse ntle pakeng tsa sechaba le sesole, ’me le karolo ea sesole pusong ea sechaba ka sechaba e utloisisoa ka botlalo,” Majoro Thoola a rialo.

Mookameli oa setsi sa koetliso ea sesole a re lethathamong la koetliso ba kenyeletitse litla morao tse

bakoang ke tšireletso e thekeselang ka hara naha moruong oa Lesotho.

“Re ile ra nka marapo a koetliso ho mabotho a kopanetsoeng ka Motšeanong 2000. Ha re ea ka ra fetola mokhoa oa koetliso o raliloeng empa re ile ra eketsa ho latela tšobotsi ea naha ea habo rona,” Mookameli oa setsi a rialo.

Majoro o itse sekolo se thabisoa ke mokhoa oa tšebetso ea mabotho a koetlisitsoeng bocha. A eketsa ka hore mabotho ha joale a utloisisa karolo ea bona ea mantlha le mesebetsi e meng e etsoang ke sesole. “Bosholu ba boqhobane, boo hangata masole a neng a ameha ho bona bo fokotsehile,” Majoro a hlalisa joalo. A re mabotho ha joale a tseba hore LDF ke mosebeletsi e seng ’musi oa sechaba.

Sajene Majoro Lineo Poopa a re ha ba e-s’o thulane le mathata a bakoang ke bakoetlisuoa ha e sale ba koetlisa. “Bothata ba popota boo re le bakoetlisi re nang le bona ke ba khaello ea thepa bakeng sa likoetliso tse kantle”, a rialo. ■



Barupelli ba tsoang Botswana, South Africa, Zimbabwe le Lesotho

Re hetla morao: pale ea bophelo ba Lt Gen Makhula Mosakeng



ka WO II
Selebalo Sebe

Ka bophirima ho motse moholo Maseru, holim'a noka ea Mohokare, hona le setsi sa sesole sa

Ha Ratjomose. Ke ntlo-khoho ea mara a Lesotho ho tloha mehleng ea bo-Ralikoloni. Ke hona moo mabotho a naha ena a neng a bokana teng ha ho hlophisetsoa ho

“Lula fatše, nka u thusa ka eng?” a mpotsa. “Ke tšile ho ngola ka tsa bophelo ba hao, ntate,” ka araba. “Ha ho bothata,” a nkhothatsa, 'me a qala ho qoqa ka ho phuthulloha litaba tsa bophelo ba hae.

Molaoli oa sesole o re o kene tšebetsong ea sepolesa nakong eo se neng se kopane le sesole,

bile Unit (PMU). O re o tšile mona ka boikhethelo. “Ke ne ke rata ho ba lesole etsoe ke ne ke sena tšhalohanyo ka nako eo, ea sesole ho sepolesa. Ho tla ha ka ebile phethahatso ea litoro tsa ka,” a rialo.

O re nakong ena, boemo ka har'a naha bo ne bo futhumetse papisong le ha joale, etsoe naha e ne e sa tsoa fumana boipuso.



Mookmeli oa sesole, Lt Gen Mamkhula Masakeng PMG, PMMS, CMLOR.

ea lintoeng tsa pele le tsa bobeli tsa lefatše ho nka litaelo pele a palama ho ea ntoeng.

Ke hona mona he, moo le kajeno molaoli e moholo oa mabotho a Lesotho Lieutenant General Augustinus Makhula Mosakeng a sebeletsang teng mosebetsi oa bolaoli letsatsi le letsatsi ka leng. “U ka kena ntate,” ho rialo mongoli oa hae ha a mpontša monyako o eang ka ho eena.

Ha ke kena ka ofising, ke ile ka fumana mookamoli a lutse tafoleng ea hae ea tšebetso. Lebala la hae le khanyang le tšoanelanang le kamoo ofisi e apesitsoeng ka teng.

e ne e le ka la 01 'Mesa 1967. Ka mor'a ho koetla o ile a iphumana a le lebothong le lecha la sesole nakong eo, Police Mo-

Mookameli o hopola hore sehlotšoana sa masole (PMU), se ne se fokola haholo ka palo nakong ena. “E ne e le lebotho la banna ba sa feteng lekhoho.”

Ha a botsoa hore na ke hobane'ng nakong ea puso ea sesole a ile a khetheloa bookameli ba NSS, mookameli a hlalosa hore nakong ena liofisiri tse ngata tsa sesole li ile tsa tlameha ho okamela libaka tse ngata tseo sesole se neng se li bona e le tsa bohlokoa, e le ho lokisetsoa ho khutlisa puso ea sechaba ka sechaba ka mor'a lilemo tse hlano.

li tsoela pele qepheng la 6



Mona ke mookameli oa sesole nakong eo e neng e le mookameli oa tšebetso ea mautloela, o na le “Abele”, eo e neng e le moelets'i oa hae.

Pale ea bophelo ba Lt Gen Mosakeng

li tsoa qepheng la 5

Lt Gen Makhula Mosakeng o ne a khetheloe setulo sa bookameli ba sesole ka 1994 ke lekhotla la Tšireletso. Ha a botsaa hore na ha nakong eo sesole se ne se e-na le mathata a lehae, eena o ne a amohele setulo see ntle le lekhoneho? "Ho ne ho se bonolo ho 'na ho amohela habonolo, ka ha u tla hopola hore boemo bo ne bo tsitsipane hoo mekhatlo ea machaba e bileng ea tlameha ho kena lipakeng, e joale ka SADC le oa Linaha tsa Selekane (Commonwealth)", a rialo.

Mookameli oa sesole o tsamaile lithupelo tse 'maloa e le ho ithlophisa mosebetsi o moholohali 'me o boima. Re ka qolla tse latelang feela: libetsa tse nyenyane (small arms), mahlale a sesole (intelligence) le tsamaiso ea sesole (defence management), tseo a li entseng mafatseng a America (USA), Israel le Engelane (UK), 'me tse na tsohle o li entse boemong bo phahameng.

Ntlheng ea hore na a ka lakatsa ho hopoloa ka eng ha a se a le phomolong, mookameli o ile a re le hoja batho ba tla 'ne ba mo hopole ka tseo bona ba li ratang, ha e le eena a ka thabela ho hopoloa e ile ea e-ba lesole le boulelang 'nete, toka le molao oa motheo, o re a ka rata ho hopoloa e le letsoalloa la naha ena, le lesole la 'nete le itsoarellang ka 'nete feela, e seng ho hong.

General Mosakeng o itse teleko ea hae 'moho le liofisiri tse ling tsa sesole e ne e le ho phethahatsa litabatabelo



Lt Gen Mosakeng (oa bobeli ho ba emeng, ho tloha ho le letšehali) o na le bo-mphato'a hae sekolong sa St Theresa's Seminary, Roma

tsoa bo-ralipolotiki ba itseng bao sepheo sa bona e neng e le ho phethola 'muso. "Ikamahanyeng le melao ea naha ena, ithuteng melao ea sesole, le ithute ho hlonepha sechaba le bookameli ba sona; le tla phela ha lelele," a rialo.

O ile a 'na a mamella mathata a lietsahala ho tloha 1994 ho isa 1998 ka bobebe bo hlolang. H'a botsoa hore e be lekunutu la hae ke lefe, a re; "Ke emela 'nete, ke tšepa 'nete, maikutlong a ka, tse na tsohle tseo masole a ileng a li etsa ka lilemo tse na tsohle, e ne e le tlas'a ho hloka tsebo, ho ne ho ena le batho ba baholo, liqhoku tse neng li mpa li ba sebelisa molemong oa tsona. Ka botho,

**A re le hoja batho ba
tla 'ne ba mo hopole
ka tseo bona ba li
ratang, ha e le eena a
ka thabela ho
hopoloa e ile ea e-ba
lesole le boulelang
'nete toka le molao...**

kea ba tšoarella, empa le ha ho le joalo ke lumela hore toka e tlameha ho ajoa."

Mookameli o re o na le tšepo ea hore Lesotho le tla fumana botsitso, "Thupelo-bocha tse na tse ntseng li tsoela pele, tse akhang Operation Maluti, li tla nolofatsa boiphihlelo ba botsitso ka har'a sesole le naha."

H'a phethela puo ea hae a re, "Ke rera ho ba sehoai sa liphoofole ka mor'a hore ke ee phomolong. Lipolotiki ha ke li rate, ha kea li abelo. Ke papali ea ho tseka matla holima moruo o fokolang oa naha ena."

Ntate Mosakeng o na le molekane, le bana ba bahlano, moshanyana a le mong ka har'a banana ba bane. Moshanyana o sesoleng, ha basetsana kaofela ba li university, ha e se le mong ea seng a sebetsa. ■

Sesole se hoanta khahlanong le lefu la HIV/AIDS



ka
WOI | Ntele Masoetsa

Sepetlele sa Makoanyane sa sesole sa Lesotho se ile sa tšoara mohoanto khahlanong le lefu la koatsi ea

bosolla hlapi (HIV/AIDS) ho tloha motebong oa sesole Makoanyane ho ea fella ntlokhohlo ea sesole Ha Ratjomose ka la bohloko la la 22 Tšitoe, 2000.

Lithupelo tsa nakoana li ile tsa tšoaroa ho hasa molaetsa oa khothatso ho batho ba tšoeroeng ke lefu lena. Pele ho mohoanto, mooki e moholo oa sepetlele sena sa sesole, mofumahali Theresia Korotsoane, o boletse hore mokoloko o ne o reretsoe ho ehlisoa masole le sechaba ka bo teng ba lefu lena. "Sechaba se lokela ho tseba hore sesole sa sona le sona ha sea salla morao toantsong ea lefu lena," a rialo Mrs Korotsoane.

Mohoanto o ne o hlophisehile hantle haholo hoo sesole se neng se memile sepolesa, mautloela le ba-lichankana ho tla ba 'moho ntoeng ena e qetang lefatše. Batho ba boithatelo bo botle, esita le bana ba likolo, ba ile ba kenela mohoanto oo le bona.

Mokoloko o ile oa fella ntlokhohlo ea sesole Ha Ratjomose, moo bohle ba ileng ba phomositsoa ka lijo tse bobebe.

Ofisiri e khohlo e ikarabellang sepetleleng sa sesole, Lieutenant Colonel Letšolo Kholoane



Lefu la mokakallane oa setla-bocha (HIV/AIDS) ha le jese Basotho le lefatše ka bophara litheohelang matsatsing ana

o boletse hore lithupelo tse 'maloa li ile tsa tšoaroa ka linako tse fetileng ke sona sesole, sepolesa, mautloela le bo ralichankana e le ho fumana tharollo holima keketseho ea lefu lena.

Mookameli oa sesole sa Lesotho, Lt Gen Augustinus Makhula Mosakeng, o ile a leboha bohle

"Nalane ea sesole sena e boetse ea ipheta mererong eohle ea ntlafatso ea sechaba, ha re nkeng marumo re loantseng kholumo-lumo ena," a rialo Ramabotho.

Ofisiri ea thuto lefapheng la toantšo ea lefu lena lekalang la bophelo, Monghali Teboho Rapitse, o itse tlaheho ea lekala



Sesole, Sepolesa, Mautloela le ba Lichankana, mohoantong o neng o le khahlanong le lefu la AIDS

ba ileng ba nka karolo mohoantong ona, haholo-holo bana ba likolo, 'me ka ho khetholoha a leboha hape sepetlele sa habo hammoho le bohle ba ileng ba kenya letsoho katlehisong ea tšebetso eo ea bohlokoa.

la habo e bontša hore ke batho ba 10 880 ba seng ba tlaheleho ka tšoaetso ea lefu lena.

Monghali Rapitse o boletse hore Lesotho le hlaha boneng tikolohong ena ea Africa, haele Botswana eona e hlaha boemong ba pele. ■

Morena oa Ha Konote o phafa sesole



ka Pte
Thabiso Rajane

E mong oa baahi ba Thabana Morena Ha Konote, Ntate Moikangoa Mokhethi, 71, o boletse ha Lefapha la sesole sa Lesotho la mesebetsi ea matsoho (LDF Engineering Department) le ntlafalitse le ho matlafatsa phepelo ea metsi motseng le setsing sa bophelo (clinic) sebakeng seo.

Mokhethi, ea neng a thabile haholo o itse hona joale ba na le lipompo tsa metsi motseng tseo ba neng ba se na tsona pele. "Re sebelitse hantle ka likamano tse mofuthu le masole. Ntle le moo, ba entse mesebetsi e meholo mona motseng oa rona, e kang ea ho ntlafatsa phepelo ea metsi, ea ho haha tanka ea metsi ka setšeng sa setsi sa bophelo, le ho se nchafatsa esita le ho eketsa moaho oa setsi sena sa bophelo," a rialo Mokhethi.

O tsoetse pele ho bontša ha pele

Ba pholoha

li tsoa qepheng la 3

buseletsoa ka se secha haufi haholo ke ba k'hampani ea AON (e neng e tsejoa ka lebitso la Minet Kingsway pele). Lesotho.

Letona ofising ea Tona-Kholo, Mohl Sephiri Motanyane, Letona la Lipalangoang le Mesebetsi, Mohl Mofelehetsi Moerane, mookameli oa sepolesa Maj Gen Jonase Malewa, le mookameli oa sesole Lt Gen Augustinus Makhula Mosakeng, ba ile ba fofisetsoa moo kotsi e etsahetseng teng ho hlahloba tšenyehe ea sefofane sena.

Lipatlisiso li se li hatetse pele haholo ho fumana sesosa sa kotsi ena. ■



Setsi sena se Ha Konote se ile sa ntlafatsoa le ho busetsoa maemong a tšebetso ke sesole sa Lesotho

setsi sena sa bophelo se nchafatsoa le ho atolosoa, baahi ba bangata ba Ha Konote ba ne ba tsamaea litsela tse telele bakeng sa litšebeliso tsa bophelo tse hlokaalang. A bontša hore morao tjena phetoho e kholo ka ha batho ba bonoa ka bongata setsing seo sa bophelo. "Re le baahi ba Ha Konote re motlotlo ka lintlafatso le liphetho tse entsoeng sebakeng sa rona ke litho tsa sesole sa Lesotho." Hlathe e ne e lelekisa tsebe ha moahi enoa a pheta tsena.

Morena oa Ha Konote Mofumahali 'Mahlalele Konote, 55, o itse ho tsamaea ha masole sebakeng sa hae ho entse hore litlolo tsa molao li be maemong a hloabaetsang. "Litloko-tsebe li thuha matlong, lia beta e bile li utsoetsa batho ba se nang molato liphoofo. Ke bile ke lakatsa e ka masole a ka khutla. Re ne re phela ha monate ha masolo a sa le teng motseng mona," a rialo Mofumahali ka pelo e bohloko.

Mooki setsing sa bophelo, Mofumahali 'Mamatete Nqosa ea boletseng a sena nako e telele tsebetsoeng moo setsing, o itse, "Le ha ke sa tseba maemo a setsi pele, empa ke ile ka bontšoa likaroloana tsa setsi moo masole a ntlafalitseng le ho eketsa moaho

oa setsi." O boletse ha keketso ea mohao setsing e le bohlokoa, ho latela litšebeliso tseo setsi se li etsetsang sechaba letsatsi ka leng.

Ofisiri ea sesole e neng e ikarabella tšebetsoeng eo, WO II Mohajane Mautse, o boletse ha ba bile le tšebeliso 'moho e ntle, e mofuthu le sechaba sa Ha Konote, 'me ba bile sebakeng seo nako ea likhoeli tse robong (9).

WO II Mautse o itse ho fihleng ha bona moo, ba ile ba hlokomela tlhokahalo e kholo ea metsi motseng le setsing sa bophelo, 'me ka hona ba qala ts'ebetso ea bona ka ho ntlafatsa mehloli ea phepelo ea metsi motseng le setsing sa bophelo.

WO II Mautse o bontšitse ha hona joale ba ntse ba e-na le karolo e 'ngoe ea masole e ntseng e sebetsa le litho tsa kaho ea litsela le marokho (Labour Construction Unit) kahong ea borokho Sehonghong, e qalileng mathoasong a ngoahola. "Re mothating oa ho qala mesebetsi oa ho nchafatsa le ho atolosa setsi sa bophelo sa Matukeng, le ho ntlafatsa mehloli oa phepelo ea metsi moo setsing sa bophelo," a rialo Mautse, ka phatla e phahameng e bontšang tjantjello le thahasello e hlolang tšebetsoeng eo a e tšepetsoeng. ■

LFDS ea ipabola ka maluting



ka
Pte Jese Hulane

“Litšebeliso tsa Lngaka e fofang tsa Lesotho li fana ka tsebeletso e ikhethileng ho Basotho ba phelang ka maluting moo ho seng bobebe ho fihla,” tseba li manollotsoe ke mothusi oa mooki 'Marethabile Mabitle.

Litšebeliso tseba li fofisa sehlopha sa basebetsi ba tsa bophelo ho ea litsing tsa bophelo beke e 'ngoe le e 'ngoe ho tloha Mantaha ho fihlela Labohlano. Ho bakuli ba ba ngata leeto lena la ho ea litsing tsa bophelo ke sehlabelo ka ha ba tlameha ho tasola nako e telele e tsoe ba sa iketla le bophelong. Ba lehlohonolo



Sena ke se seng sa lifofane tse sebelisoang ke ba LFDS

ba kalla likatola ho ea fumana tsa bophelo.

Mofumahali Mabitle o itse, “Bakuli ba tla litsing ka mafu a fapaneng ho tloha ka mafu a tšoetsoanang, ho robeha ha masapo, boimana le mafu a bana. Ntlheng ea likotsi tsa tšohanyetso mokuli o fofisetsoa sepetleleeng sa Mofumahali Eliza-

beth oa Bobeli Maseru, kapa ho se haufinyane”.

O itse mokokotlo oa setsi sena (LFDS) ke litsi tsa bophelo tse ka maloting, le basebetsi ba tsona ba itelletseng sechaba sa ha habo bona ka mokhoa o hlolang. Ka mehla ba ba hole le malapa a bona le metsoalle, 'me ba ithuta ka mathata a bophelo ba ka maloting empa litšebeliso tseo ba fanang ka tsona lia khahlisa e le ka 'nete me li tšeheliso ke 'muso oa Lesotho.

E mong oa batho ba ka maloting o itse, “Rona re motlotlo haholo ho eteloa ke baoki bana ba bohlokoa 'me ba nang le boiphihlelo. Ho latela maemo a ka maluting ka mona batho ba bangata ba ka be se ba ichoelletse ha e ne e se ka LFDS.” ■



Bakuli ba ka maloting hole le litoropo ba fumana lithuso tsa kalafo ka LFDS

Mabotho a tla tsoa a bolokile khotso ka boroa



ka Pte Joseph Mphaki

Motlatsi oa mookameli ofising ea meralo, Major Malefetsane Maboloka o re tšebetso ea mabotho karolong e ka boroa ho naha, litererekeng tsa Quthing le Qacha's Nek pel'a moeli o arolang naha ea Lesotho le ea Afrika Boroa e tla tsoela pele ho isa lilemong

tse peli tse tlang.

Major Maboloka o itse tšebetso ea mabotho e qalile ka 1996 ka sepheo sa ho thibela khapelano ea liphoofole le botloko-tsebe, tse neng li jele setsi haholo libakeng tse pel'a moeli. O itse sesole sa Lesotho se ile sa ikutloa se tlameha ho fana ka ts'ireletso ho Basotho ba phelang libakeng tseo, ho etsa bonnete ba hore khotso le

botsitso lia rena, e sita le hona ho bontša matla ao 'Muso oa Lesotho o nang le 'ona holima batho ba phelang moo.

“Bolaoli ba sesole sa Lesotho bo kopile 'muso ho rekela masole thepa e hlokalang, 'me e tla etsa hore masole a sebetse ka matla ho felisa botlokotsebe libakeng tseo.”

li tsoela pele qepheng la 16

Lijahi tsa LDF li bona tosa le malinyane



ka
Pte. Ntlele Ntoi

“S ehlopha sa seiso ea makoloi sa sesole sa Lesotho (LDF) se qalile boemong bo tlaase ‘me sa hola ho fihlela se e-ba maemong

a holimo a boiphihlelo ka har’a naha”, ho rialo Captain Kopano Qacha, ‘muellioa sehlopha.

Sehlopha sena se thehiloe ka 1974. Tlaleho e kuma hore mothei oa sehlopha, mofu Captain Thebe-Ea-Mang Masupha, hammoho le moifo oa hae oa litei, bo-Major Molapo (Retired), Sajene Kopo le mpoli oa mejao mofu Trooper Andrews, ba ile ba kopa sekrapa sa koloi lefapheng la lipalangoang la LDF.

Kamor’a moo ba ile ba sebetsa ka thata ho se beha maemong a koloi e phethahetseng ea mojao.

Le ha papali ena e ne e sa tsebahale ho le ho kaalo nakong eo, ba boholong sesoleng sa Lesotho ba ile ba fana ka tšebetso e matla sehlopheng sena,” ho rialo Qacha.

Ka mor’a lilemo tse peli sehlopha se thehiloe, Qacha, Molapo le mofu Lieutenant Thabo Ramaema ba ile ba kena khabong. Khato eo ebile mokolokotoane oa ho tšoa ea khatelo pele e kholo lefapheng la lipalangoang la LDF. Litei li ile tsa e-

ba le monyetla oa ho ithuta mekhoha e tsoetseng pele tokisong ea makoloi.

“Ke ne ke sa lumele hore motho a ka lokolla le hona ho hokela clutch-plate ka nako ea hora feela. Ha e le li-engine tsona re ne re kolokochana le tsona matsatsi a le mararo ho isa ho a mane. E ne e le e ‘ngoe ea



Sena ke sepalangoang seo moqhobi ea chatsi Capt Kopano Qacha a neng ipabola ka sona mejahong ea makoloi

tšebetso tse tsamaeang ka monyebe o khathatsang matla ruri,” ke Qacha eo.

“Empa ka lebaka la liphephetso tseo re ileng ra thulana le tsona re ile ra ithuta le hona ho fumana koetliso hoo ha morao tšebetso e ile ea tsoa matsoho.”

Qacha o bile a ikotla sefuba ka mehope e ‘maloa eo ba seng ba e hapile ho fihlela joale. Empa, le ha ho le joalo o hlalosa hore papali ena ea peiso ea makoloi ha ea rereleoa ho ruisa ba e kenelang. Molemo oo e o

fuparetseng sechaba ke ho hohela bahahlauli ka har’a naha.

“Melata eo re qothisanang lehlokoa le eona e ee e fihle ka har’a naha libeke tse peli pele ho mojao, ‘me e boele e re khofu libeke tse ling hape tse peli ka morao ho mojao. Ka hona, bo-ramatlo a ho jela le kamohelo ea baeti,

hammoho le bahoebi ba banyenyane ba Basotho ba ee ba une molemo o moholo. Sena se etsa tlatsetso e kholo moruong oa rona o ntseng o thekesela,” ho rialo Qacha ha a lokolisa melemo eo Lesotho le e kotulang mejahong eo ea makoloi.

Ha joale sehlopha se thehiloe ka moqhobi, Cadet Officer Morotoli Ramoseeka, 35, mothusi oa hae Private Ntaote Bereng, 33, hammoho le sehlopha sa litei. Ramoseeka o kile a qhoba ‘moho le sepalami se hloahloa sa mehleng Lieutenant Phoofole Shai ka 1994.

“Ke qalile ho qhoba ke sa le monyenyane haholo. Ntate o ne a tloaetse ho nkuka, a mpehe holim’a hae, ‘me ke ‘ne ke sotha-sothe koloi ha e ntse e tsamaea butle-butle. Ke ne ke le motlotlo ka seo, hoo ke ileng ka ithuta ka potlako ka ba ka qetella ke le moqhobi ea hloahloa”, ke Ramoseeka eo.

Mothusi oa moqhobi, Private Bereng ha se mokhelo litabeng tseo, “ha ke ea ka ka ea sekolong sa boqhobi le ‘na,” ke eena eo ka thahasello e kholo. “Malome o ne a nthute ho qhoba koloi ka mokhoa o tšoa nang hantle le oo



Cadet Officer Morotoli Ramoseeka o eme pel’a se seng sa lipalangoang

ntat'a mphato'a ka a ileng a mo rupela ka teng", a rialo.

Ramoseeka le Bereng ke litei tse nang le boiphihlelo bo matla ruri. Ba ile ba rupeloa litsing tsa Lerotholi Polytechnic le Technical School of Leribe (TSL) ka ho ikhetha. Qacha le Shai ba ile ba eelloa lerato la bahlankana bana papaling ena, 'me ba ba biletsa ho ba litho tsa sehlopha. Bao ba ile ba amohela memo eo ntle ho lesisitheho.

Ho sa natsoe boinehelo ba banna bana papaling ena, ba ile ba 'na ba thulana le mathata tseleng. Bereng o ile a cha liatla ha a ne a itsoareletsa ka tšepe e chesang ea koloi a sa ela hloko. Sena se etsahetse lekhetlong la pele a kenetse mojao o tšehetsoang ke Toyota mane Botswana ka 1996.

"Ka lebaka la ho haelloa ke lihlapiso, ke ne ke hloka seaparo se feletseng sa mojao. Ke ne ke hloka liatlana ha ke tla cha matsoho joalo. Esita le lieta tsa ka e ne e se tsa maemo a ka tiisetsang mocheso o phahameng. Ha se feela ke bileng ka tlaboha le maoto ana," ho rialo Bereng ka ho hlomoha ho hoholo.

Le har'a bothata boo, Bereng o ile a phetha boikarabelo ba hae ka bokhabane bo hlolang. Se makatsang ebile ha a bolela hore haele hantle mothusi oa moqhobi ke eena ea khannang koloi ka ho phethahala. A bolela hore ha hae ke ho fana ka litaelo tse tlamang moqhobi ho li latela ka kotloloho.

Sehlopha sena sa peiso se khahloa ho khanna tlas'a maemo a mongobo ho e-na le boemong ba moea o fokang ka matla, le ho qoba lerole.

"Ha ho omme, moea o foka e-ba ho qoba lerole le bakang lerootho. Boemong boo e-ba bothata ba kob'a khomo ho atamela le hona ho seha tsebe koloi e seng e tsoile tjaro! Motho a rata kapa a sa rate, o tlameha ho latela sebaka se se lelele kamorao e le ho qoba ho thulana", ke Ramoseeka eo ha a pepesa tsa boiphihlelo ba hae joale ka moqhobi ea hloahloa oa koloi ea mojao.

Karolo e fanang ka phephetso e kholo ea mojao o tšehetsoang ke k'hamphane ea Pirelli ka kopanelo le hotele ea Lesotho Sun (Pirelli/Lesotho Sun Roof of Africa Rally) ke mocha o mathang mabopong le



Na mojaho oa Roof of Africa Rally o feela o fihlile pheletsong ea oona?

liphuleng tsa noka ea Phuthiatsana ea Thaba-Bosiu.

"Mocha ona oa peiso o matsoelintsoeke, o methinya, o na le moo ho tšeloang noka ka makhetlo-khetlo malibohong a 'maloa. Ha se feela bo-mphato'a rona ba melata ba eeng ba ee le khongoana holimo ka hore ba feela ba tšetse linoka tse ngata," ke Bereng eo ka litšeho.

Banna bana ba lipalami ba kile ba tjameloa ke lefu ha koloi ea bona ea moets'o oa Toyota e hulang ka mabili a mane a thella, 'me e phethoha.

"Re ne re khanna ka lebelo le phahameng haholo ha kotsi eo e tla etsahala. Re ne re se re tsoile tjaro-ea-mabonoa hoo re neng re e-na le monyetla o moholo oa tlhoho", ho rialo Ramoseeka ka ho ikoahlaea ho hoholo, "che, leha ho le joalo re ile ra phonyoha ho se likotsi tsa letho, ha e se koloi ea rona e neng e pshatlehile fenstere e thibelang moea. Empa haele koloi eona e ne e ntse e le maemong a matle a ho tsoelapele ka mojao, 'me ka hona re ile ra atleha ho phethela mojao oo," a rialo ha a pheta kamoo ba batlileng ba bona tosa le malinyane a eona, ka holimo ho sehlabane sa Makhoarane.

Puisanong le e mong oa batšehetsi ba sehlopha ka lichelete le litšebeliso, eo e leng mohoebi ea tsebahalang ka k'hampani ea hae, Thipane Transport mane Khubetsoana Maseru, e leng Ntate

Mokone John Thipane, o itse o ntse a e-na le thahasello e matla ea ho tšehetsa sehlopha sena sa LDF.

"Leha ke e-na le khopolo ea ho ba le koloi eo e leng ea ka ea mojao haufinyane, ke tla tsoela pele ka tšehetso ea ka sehlopheng sena le kamoso", Monghali Thipane a tšepisa joalo.

"Sehlopha sena se na le maikemisetso a matle ruri, empa se khoehliisoang mangole ke tšehetso e sa khotsofatseng eo se e fuoeng ke lefapha leo ba ikarabelang ho lona. Ha ba fuoe nako le sebaka se lekaneng sa ho itokisetša mejao. Athe ha e le ka lisebelisoa teng ke masisa-pelo feela," ho rialo sepalami sena se hloahloa sa sethuthuthu se bile se sisinya hlooho ka ho sareloa ho hoholo.

Litaba tse sa jeseng litheohelang ke hore lekhotla la taolo ea papali ena ea peiso ea makoloi la Afrika Boroa (Motorsport South Africa) le entse khotsoletso ea hore mojao ona o tsoareloang Lesotho mona selemo le selemo oa Pirelli/Lesotho Sun Roof of Africa Rally, o hlakolele lenaneng la mejao.

Qeto ena lekhotla le re le e fihletse kamora ho eelloa mathata a bileng teng ka 1999 le 2000. Tlaleho e tsoelapele hore batšehetsi ba mojao oo ka lichelete ba koptjoe ho isa tšehetso ea bona mejaong e meng ke hona. ■

LITŠOANTŠO TS



Letona Mohlomphehi Sephiri Motanyane, a emetse Letona la Tšireletso (Tona-Khoho), o koala thupelo e 'ngoe ea Operation Maluti



Sesole sa Lesotho se ile sa etella pele mohoanto o khahlanong le lefu la mokakallane oa setla-bocha (HIV/AIDS)



Liqhoku tsa mautloela a sesole tsa SADC li ile tsa khobokana Maseru mafelong a ngoahola, hore homo-homo ka tsa tšebetso ea bona



Maluti a Lesotho a atisa ho apareloa ke lehloa le boima marna, 'me maeto a thatafala ke hona. Sesole sa Lesotho se nka karolo thibelong ea likoluo tse kang tsena



Lesotho ke sebaka se ratoang haholo ke mehahlaula. Boholo ba liphutheho tsa machaba bo se bo tšoareloa teng. Mona Motlotlehi o bonoa a na le Mo-President dos Santos oa Angola (letsong le letšehali ho Motlotlehi)



Lt Gen Makhula Mosakeng o bonoa mona nakong eo ho neng ho koaloa e 'ngoe ea lithupelo tsa Operation Maluti

A LIKETSALHALO



Mohlomphehi Tona-Kholo Pakalitha Mosisili, e bile moeti oa bohlokoa pulong ea lipapali tsa CSM-ESALO ka 1999, lebalong la Setsoto



LDF FC, e ileng ea hapa mohope oa boipuso ka 1999/00, lemong sena e hlatsoisitsoe jesi mekhahlelong ea pele ke bo-mphato'a eona ba Reunion



Le hoja sefofane sena se ile sa senyeha hampe ha se joaramana, ba neng ba se palame ba ile ba phonyoha ka likotsi tse fokolang



Sehlopha sa libapali sa taekwondo sa LDF se atisa ho thabisa matšoele-tšoele a batho ha ho ketekoa Letsatsi la Tsoalo ea Motlotlehi



Lt Gen Makhula Mosakeng (oa bobeli ho tloha ka letsohong le letona ka pele) ke morati e moholo oa tsa lipapali



Lesotho le ile la kenela lipapali tsa bobeli tsa lefatše tsa masole papaling ea taekwondo ho la Croatia ka 1999

Ho hlatsoa makoloi ho ka phelisa lelapa



ka
WOI | Ntele Masoetsa

Boholo ba sechaba sa Lesotho se khobokane motse-moholo Maseru, 'me hara mabaka a mangata, a mang ke ho tla fata metsuntsunyane, le tse ling tse kang ho fumana thuto.

Ha se bohle ba atlehang litabatabelong tsa bona. Ruri bophelo ke ntoa!

Bashanyana le bananyana ba phelang mebileng ea motse-moholo ba thulana le mathata a hlollang a bophelo.

Bashanyana ba lilemo tse lipakeng tsa 12 le 18, ba bonoa mapatlelong a likhoebo tse kholo ho fumana mokhoa oa ho phela.

Thabo Ketsong, ea lilemo li 16, o bonoa kamehla haufi le lebaka la Lancer's Inn a hlatsoa makoloi. Tšebetso ea ho hlatsoa makoloi e bonahala haholo litsing tsa khoebo, moo koloi e hlatsuoang le ho hloekisoa ka M10-00.

Thabo o sebelitse tjena lilemong tse 'ne (4) tse fetileng. Kholo ea Thabo e bile e seng monate haholo, ntata'e o ne a ngale lelapa ha Thabo a le lilemo li tharo (3). "Motsoali oa ka, 'M'e 'Mathabo, o ne a sebetsa femeng ea liphahlo moo a neng a lefshoa hanyenyane haholo, empa bophelo bo ile ba tsoela pele tlasa mathata," a rialo Thabo.

Thabo o ile a etsa lithuto tsa mathomo Loretto Primary School, Qoaling, Maseru.

Kamor'a lithuto tsa letsatsi, Thabo o ne a e-ea hae, 'me a fihle a sebetse lirapeng tsa meroho, tse neng li atleha haholo. Meroho ena o ne a e rekisetsa sechaba sa tikoloho ea habo, ebe o boloka chelete eo.

Bophelo ba lelapa la habo Thabo, bo ile ba thefuleha hape ha 'M'e 'Mathabo a felloa ke mosebetsi ha feme eo a neng a sebetsa ho eona e koala. Thabo a tlemeha ho lesa sekolo. "Nako ena e bile e bohloko haholo bophelong ba ka," a rialo Thabo

ka pelo-tlhomohi.

Molao oa Motheo oa naha, Section 29 (1), o bua ka tokelo ea ho sebetsa. Thabo o ile a tlemeha ho ea motse-moholo ho batla mosebetsi, 'me a qetella ka ho iphumanela oa ho hlatsoa makoloi.

O ile a hlokomela litlolo tsa molao tse neng le etsoa ke bo-mphato'a hae tse kang ho tsuba matekoane, ho pshatla makoloi, e le ho ikhapela thepa e ka hare ho oona le tse ling, 'me ba ne ba tsoaroa ke Sepolesa, ebe ba isoa khotla. Thabo o itse o

li tsoela pele qepheng la 20

LDF e reka liroala-nkhoana tse ncha



by
Pte Tšepo Phaila

Ofisiri e laolang lefapha la bofofisi la sesole sa Lesotho, Colonel Thuso Motanyane, o re sesole se ntse se

le boitokisetsong ba ho reka lifofane tse peli tsa liroala nkhoana. tsa maemo a ntlafetseng.

li tsoela pele qepheng la 15



Sena ke seraola-nkhoana sa moetso o mocha

**This space
could be
yours.**

Advertisers take
advantage of our low rates and
advertise with us.

It pays to advertise with

MARA

*For further information,
please contact us at*

Tel: 32 6080

Fax: 31 0351

**Letters to the
editor should be
directed to**

The Editor
MARA

P. O. Box 54
Maseru 100
Lesotho

Tel: (09266) 326080

Fax: (09266) 310351

**Get
your
business
seen and
heard.
Advertise
here.**

Liroala-nkhoana

li tsoa qepheng la 14

Monghali Motanyane o itse 'muso oa Lesotho o tla reka lifofane tsena ka litšenyehelo tse hakanyetsoang ho limilone tse 30 tsa Maloti. O itse ba reka lifofane tsa moetso oa BO 105 LS.

O hlahositse hore lifofane tse ntseng li le teng ha joale li tla rekisoa 'me chelete ea tsona e sebelisoa ho tlatsetsa thekong ea tse ncha. O itse liroala-nkhoana tsena tse teng ha li sebetse hantle linaheng tse maralla, likhohlo le lithaba joale ka Lesotho.

"Le ha liroala-nkhoana tsena li shebahala li tsoana, tsena tse ncha li matla ebile li kholoanyane, hape li ka sebetsa hantle naheng ea Lesotho." Ha a otlolla ntlha ena ea tšebetso o fane ka mohlala oa naha tsa Canada le Germany, moo a itseng lifofane tsena li sebetsa hantle haholo.

Monghali Motanyane o itse koetliso



Seroala-nkhoana se seng sa tse tla nkeloa sebaka ke sa moetso o mocha

ea bafofisi le balokisi ba lifofane tsena ha se bothata kaha li tšoana haholo. A eketsa ka hore lithupelo tsa mofuta o joalo li tsoaroa nako le nako e le hore mosebetsi o phethahale hantle.

Monghali Makalo Lehloenyane, ea lokisang lifofane tsena, o

netefalitse taba ea hore lifofane tsena tse ncha li matla ho feta tsa pele. O boetse a re, "Ke thabile haholo hore ebe sesole se reka lifofane tsena, 'me ke bona sena e le khatelo pele e kholo.

Lifofane tsena tse ncha li lebelletsoe ho fihla mona Lesotho ka Motšeanong selemong sona sena. ■

Pale ea bophelo ba Major General Thibeli



ka
Pte Ntlele Ntoi

Motlatsi oa molaoli oa sesole sa Lesotho, LDF Major General Anthony Rachobokoane Thibeli ke ofisiri e tlotloang le hona ho hlompshoa ke

ba bangata ka tšebetso ea hae ea boitelo.

Ke ile ka ba lehlohonolo ka ho bona bopaki bo tiileng ba seo ho fihleng ha hae mapatlelong a ntlo-kholo ea sesole mane motebong oa Ratjomose

ka letsatsi le leng.

E ne e le hoseng ha hora ea bosupa e fetile ka metsotso e mashome a mabeli ha koloi e majaba-jaba ea Major General Thibeli e filha e emisa ka pel'a moaho oa liofisi tseo tsa sesole. Liofisiri tse neng li se li le moo li ile tsa laola bohle ho nyahlatsa tsohle, 'me ba ema lipasha ho lumelisa ofisiri ena e kholo ka hlonepho eohle e mo lokelang.

Letsatsing leo, ke ne ke ile ka li raha e sa le ka matjeke, 'me ka potlakela moo ka sepheo sa ho ea mo nonya

maikutlo ka pale ea bophelo ba hae le tšebetso ka kakaretso.

Major General Thibeli o hlahetse 'Mesapela seterekeng sa Berea ka 1950. "Ka selemo sa 1961 ke ile ka qala ho kena sekolo sa mathomo motseng oa heso mane 'Mesapela. Ka nako eo ke ne ke le lilemo li 11," a rialo a hopola tsa mehla eo.

"Ka selemo se hlahlamang mathata a ile a e-hloa manolo holimo, ha ke lokela ho fetela sehlopheng sa bobeli. Ke ne ke hloka bokhoni ba ho lefa

li tsoela pele qepheng la 17

Mabotho ka boroa

li tsoa qepheng la 9

Monghali Maboloka o itse ofisi ea habo e ntse e rera ho ntlafatsa maemo a tšebetso libakeng tse moeling, ka sepheo sa ho kenya tšusumetso ho masole a tšebetsong libakeng tseo.

Mookameli oa lebootho la bobeli ka B12BN, leo le ha hajoale le ntseng le le moeling, Second Lieutenant Moiloa Mahase, o itse bosholu ba liphoofole lipakeng tsa baahi ba linaha tsena tse peli bo theohile haholo, ntle le masholu a Lesotho ao ha hajoale a utsoetsang baahi ba naha ena liphoofole.

"Tšebeliso 'moho e ntle lipakeng tsa mabotho, sepolesa sa Quthing, likomiti tsa toantšo ea bosholu ba liphoofole le thibelo ea botlokotsebe, hammoho le mongoli oa setereke sa Quthing, ke eona e entseng hore bosholu ba liphoofole bo theohe moeling," o rialo.

Molula setulo oa komiti ea tantšo ea bosholu le thibelo ea botlokotsebe literekeng tsa Quthing le Qacha's Nek, Monghali Pitse Leche, o itse likamano lipakeng tsa baahi ba Lesotho le Afrika Boroa li ntlafetse haholo hona joale ha li bapisoa le lilemong tse fetileng.


Monghali Leche o itse motho e mong le e mong libakeng tse amehileng o tlameha ho ba le tšebeliso 'moho e ntle le likomiti le mabotho, 'me a fane ka monyenetsi o tla etsa hore boitšoaro bo sa amoheleng bo felisoa hang-hang.

"Ba bang ba baahi ba linaha tsena tse peli ha ba tšepahale. Lihoai tse ling tsa Lesotho li folisa liphoofole tsa tsona ka hare ho naha ea Afrika Boroa ka khothaleto ea bo mphato'a bona hona ka Afrika Boroa," o rialo.

Molula setulo o khothalelitse hore tšebetso eo ea mabotho ka moeling e tsoelepele hobane ho na le batho ba etsang liketso tse sa lumellaneng le seo ba se saenetseng le naha ea Afrika Boroa.

Mohokahanyi oa likomiti tsa Lesotho le Afrika Boroa, Monghali Stanford Kupiso, o itse o sebelitse ka thata ho fetola masholu liketsong tsa bona metseng e pel'a moeli ka hare ho naha ea Lesotho le ka Afrika Boroa.

"Ha hajoale ho na le matšoao a bontšang hore qetellong khotso e tla rena libakeng tsohle tse amehileng," a rialo.



Le hoja bosholu ba liphoofole bo ile ka theko meeling e ka boroa ho naha, morao-rao bo qalile hape meeling e ka leboea.

Monghali Poulo Paane, 45, ea ahileng Mphaki seterekeng sa Quthing, o itse Maqhotsa a Matatiele a ne a hape liphoofole tsa hae tse 694 ka 1996 pele mabotho a qala tšebetso ea ona ka moeling. "Ba ne ba hape linku tse 300, likonyana tse 190, lipoli tse 190, lipere tse 9 le lipokola tse 5, 'me hona joale ha ke na phoofole le ha e le 'ngoe."

Monghali Paane o itse khotso e tla ba teng haeba litho tsa komiti tsa Afrika Boroa li ka tla lipuisanong hobane bo mphato oa bona ba Lesotho ba ea Matatiele khafetsa sebakeng sa lipuisano.

"Ke na le tšepo hore ka lipuisano, ekasita le ka tšehetso ea komiti ea Afrika Boroa re tla fumana liphoofole tsa rona," sa rialo sehoai. ■

sekolong. Empa baholoane ba ka hammoho le baitlami ba mane Assumption ba e-ba pelo tlhomohi ho ntefella litšenyehelo tsohle ho fihlela ke e-ba ke feta sehlopha sa bosupa," ho rialo Major General Thibeli.

Maemo ha a ka ba a ntlafala, 'me ka hona Ntate Thibeli, ea neng a se a hloka batsoali ka nako eo, o ile a tlameha ho nyahlatsa lithuto tsa hae, 'me a qalella ho batla mosebetsi. Ka mor'a hore a iphumule mofufutso ka

lithaba, likhohlo tsa makhulo a nonneng le melatsoana e phoroselang metsi a masooana a loti," ho rialo Major General ka thabo e khatpatsehlang.

Ntate Thibeli o ile a hola e le motho ea nang le tšebeliso 'moho le bo-mphato'a hae ba balisana. O ne a sa hlorisi ba bang, 'me le eena ka tsela e tšoanang ho ne ho se ea mo hlorisang. Empa o sa hopola ka

kena sepoleseng sa Lesotho (PMU) ka la 1 'Mesa, 1970.

"Re ne re biletsoe sekolong sa koetliso ea sepolesa mane PTC re sa tsebe letho ka tšebetso eo. Empa ka tataiso ea bakoetlisi bo hloahloa, bohle ra ithukhubetsa tšebetsong ka boinehelo bohle. Sehlopha sa rona se ne se le sehlahlo haholo tšebetsong, 'me le boitšoarō ele bo khothatsang ruri," ho rialo Major General ka boitumelo bo boholo.

"Sethathong re ne re fokola haholo ka palo, empa ka tlatsetso e matla ea sepolesa, re ile ra 'na ra atleha ho thibela litlolo tsa molao ka liqola tsohle tsa Lesotho," e boetse ke eena eo.

Major General Thibeli o ne a e-na le lenyora le sa timeng la thuto e ntlafetseng, 'me ka hona o ile a ntšetsa-pele lithuto tsa hae sekolong sa mahareng se ileng sa thehoa ka hara sesole lilemong tseo. O ile a ipabola lithutong tsa lipalo le tsa mahlale hoo a ileng a feta lihlahlobo tsa hae ka matšoa a holimo. Seo se ile sa mo beha mocheng oa ho khetheloa ho ea nka karolo thupelong ea bofisi mose ho maoatle koana.

"Ke bile mokhahlelong oa pele o neng o bopiloe ka banna ba robeli ho ea Geremane koana thupelong ea motheo ea bofisi ba lifofane. Thupelo e ne e le ea ho tloha ka selemo sa 1979 ho isa 1980," ho rialo Ntate Thibeli.

Ha ba le moo, Major General o ile a qhoba sefofane sa moetso oa Ma-



Major General Anthony Rachobokoane Thibeli PMMS.

sakatuku sa hae se hloekileng, a nt'o eketsa ka hore, "Ruri ke leboha tsohle tseo baitlami bao hammoho le baholoane ba ka ba nketselitseng tsona. Ke sa ba khotše moea esita le joale," a rialo ka teboho e kholo.

Major General Thibeli ha a ne a le sekolong o ile a khetheloa ho ba mongoli oa sehlopha sa papali ea bolo ea maoto se neng se tumme haholo sa Tiny Rockies. Ho feta moo ea e-ba setho se matla sa mekhatlo ea sefapano se sefubelu le bopulama liboho ka ho ikhetha. "Ke lekanya hoba ke hona moo ke ileng ka khahloa ke tšebetso ena ea sesole," a rialo ka pososelo e kholo.

Ntate Thibeli o ne a alosa mohlape oa likhomo tsa lebeso, ha tse ling li ne li le meraka. Ha likolo li koaloa o ne a e-ea romeloe ho isetsa balisana seshoi motebong koana ka lipelosa.

"Mehle ng eo bophelo bo ne bo sa le monate ka moo ka lihlabeng ho fapana le kajeno ha bosholu ba mehlaphe e se e le koboanela. Ke ne ke khahloa ke ho boha matsaranka-tsaranka ao a

hloko kamoo phokojoe e ngeang e kileng ea mo nyarosa ka teng.

"Le ha ba ne ba ile ba ntlhaba malotsana ka selo sa eona se nyarosang, ruri ke ne ke sa ka ka lekanya hore efela se tšosa hakalo!" a rialo a ikinne ka litšeho.

Major General Thibeli o ile a

li tsoela pele qepheng la 18



Maj Gen Thibeli (ea emeng ka holimo ka letsohong le letona) h'a le Geremane moo a ileng a ikoetlisetsa ho khanna lifofane

Tlhopho-bocha ea sesole



ka
Pte Tankiso Nkoho

Motlatsi oa mookameli oa meralo, Major M a l e f e t s a n e Maboloka o re tlhopho bocha ea sesole e ne e qale ka 1995, e le ho fetolela

sesole sa Lesotho maemong a sesole sa sejoale-joale.

Puisanong e neng e tsoaretsoe liahelong tsa sesole Ha Ratjomose ka la 30 Pherekhong, Majoro o itse LDF e ne e sebetsa ka lik'hamphani tse neng li ikemetse pelé ho tlhopho-bocha, 'me seo se ne se se baka mathata.

"E ne e le moralo o se nang tlhaloso e hlakileng ea neheletsano ea taolo," Majoro o rialo.

Majoro Maboloka o itse matla le taolo li ne li pharalletse haholo. Sesole se ne se sa raloa ho latela maemo a machaba. A bontša hape hore ho ne ho se na phapang lipakeng tsa mosebetsi oa mabotho le bolaoli.

"Re ile ra tlameha ho koetlisa bocha lebotho le lekaalo ka borikeiti moo lik'hamphani tse tharo li thehang bathalione, 'me libathalione tse tharo li theha borikeiti. Ha re qeta ho etsa joalo, re ile ra fihlela matla

le taolo e khotsofatsang. Hono hape ha fana ka leseli le hlakileng lipakeng tsa boikarabello ba mabotho le boikarabello ba balaoli," motlatsi oa mookameli oa meralo a rialo.

"Rona, sesole sa Lesotho re lumela le ho tiisa kabelo ea rona polokehong ea molao oa motheho le tšireletso ea meeli ea naha. Re tlameha ho ba le seabo botsitsong, tšireletsong le tsoelapeleng ea naha le batho bohle ba Lesotho. Re tla etsa ka mehla eohle ho fumana tšebetso ea sechaba le tlhonepho ho machaba ka lebaka la tsebo ea rona e batsi ea mosebetsi le maemo a rona a holimo," ho rialo Majoro. ■

Maj Gen Thibeli

li tsoa qepheng la 17

America se bitsoang Bell 47 G2. Ha nto latela Jet Ranger Bell 26. Mokhahlelong o mong oa thupelo o ile a boela a ithuta ho fofisa liroalankhoana tsa BO 105 tsa moetso oa Ma-Geremane, e leng mofuta o sebelisoang ka katleho e kholo ka hare ho naha ea Lesotho ha ha joale.

"Ke ile ka boela ka nka monyetla oa ho ithuta ho fofisa sefofane sa moetso oa Ma-Fora sa AS 350 seo re neng re se reneketsa ka hore 'ke mochalla' ka lebaka la mohatlana oa sona o molelele," a rialo Major General ka ho iqabola ho hoholo.

"Ke sa hopola ka hloko ka moo ke ileng ka nyakalla ka teng ha ke iphumana ke le sepaka-pakeng ke le inotši. Ruri e ne e le tlotla e kholo ho 'na ha ke qhoba sefofane ho se motataisi ea ntseng a nkharuma ka hore ke etse hona le hoane," ke Ntate Thibeli eo ka pososelo e kholo.

Ka selemo sa 1982 Major General o ile a kena sekolong se phahameng mane lekaleng la Lichankana, 'me ka selemo se hlahlamang a phethela lengolo la foromo ea bohloko (COSC) mane P.T. C.

Har'a lithupelo tsa sesole tseo Major General Thibeli a bileng ho tsona linaheng tse 'maloa ho ka boleloa

thupelo ea bo-ofisiri boemong bo tlaasana (Junior Staff Officer Course) ho la Amerika ka 1992. Ea nt'o ba ea likamano tsa sechaba le sesole mane Florida, USA, le tsamaiso ea tsa tšireletso, California, USA ka 1998.

Major General o ile a 'na a fumana phahamiso maemong a tšebetso ka har'a sesole. Ka 1994-1997 o ile a khetheloa ho ba molaoli lefapheng la lifofane, a le boemong ba Colonel. A boela a phahamisetsoa boemong ba Brigadier, 'me ea e-ba Ramabotho LDF ka 1997-1999. Ke ka selemo sa 1999 ha e-ba motlatsi oa molaoli oa sesole sa Lesotho ka boemo ba hajoale, e leng ba Major General.

Motlatsi enoa oa molaoli oa mabotho o re o ntse a hopola ka hloko tsa mehla eo sesole sa Lesotho se neng se e-na le tšebeliso 'moho e mofuthu le sechaba ka kakaretso.

"Le joale boikarabello ba rona ba mantlha joaleka baokameli ke ho aha bocha sesole le maikemisetsa a tiileng a ho tšepahalla sechaba sena sa Basotho," Major General a toboketsa ntlha eo ka matla.

"Ke ee ke nyahame pelo kamehla ha sesole se etsoa taolong, 'me se etsa litlolo tsa molao ho thunthetsa

seriti le lebitso le letle la sesole sa rona mahlong a sechaba le lefatše ka kakaretso. Boitsoaro bo joalo bo ea nyonyeha ha ke bo rate," a rialo ka tlhokofalo e kholo.

Ntate Thibeli o na le molekane, 'me 'moho ba hlohonolofalitsoe ka bana ba babeli, oa moshanyana le ngoanana. Ha a se mosebetsing o thabela ho ba 'moho le lelapa la hae, empa seo ha se ka ke sa mo lebatsa ho ea boikoetlisong le ka mohla.

Major General o tšepa hore o tla tsoela-pele ho boloka likamano tse mofuthu le sechaba seo a ahisaneng le sona ho akaretsa Basotho bohle leha a se a le phomolong. Ho feta moo o lakatsa ho ikakhela ka setotsoana temong, esita le mererong e meng ea khoebo ha a ka fumana thupello le tataiso.

Tabeng ea hore na a ka lakatsa ho hopoloa ka eng ha a se a phomotse sesoleng o itse "ke rata hore ba bangata ba tle ba nkhopole ke le motho ea lumelang tharollong ea likhohlano ka lipuisano," Ke eena eo.

"Ka holimo ho tsohle ke rata ho bona lenaneo la tlhopho-bocha ea sesole le kena tšebetsong ka ho phethahala. Sena se tla re tsoalla molemo o moholo re le sechaba sa Basotho, 'me ke ipiletsa ho bohle ho amohela liphetho ka moea o motle," Major General Thibeli a rialo ha a liela likhala. ■

Mochesane oa bolokoa



by
Pte Tšepo Phaila

Makholo-kholo a batho a ile a khobokana Tsikoane Leribe ka moqebelo oa la 10 Tlhakubele, e le ho isa hlomphe ea ho qetela le ho boloka eo e neng e le Mookameli oa bophelo bohle, oa mokhatlo oa litebele oa bo maithutoane Lesotho (LABA) ebile e le ofisiri e kholo ea sesole, Lieutenant Colonel Pula Mochesane.

Lieutenant Colonel Mochesane o hloka halletse lapeng ha hae Maseru ka la 22 Hlakola ka mor'a ho kula ho holelele. Tlaleho ea ngaka e supa hore mofu o ne a ena le liso qating. Sena se bontšitsoe ke ofisiri ea habo, Monghali Mohanoefosa, ea ileng a bua e le mooki.



Mofu Lt Col Mochesane o etsa puo ka letsatsi la lipapali la ho feta

sehlopha sa litebele sa sesole. A kopanngoa ka lenyalo le halalelang le Lineo Monica Thetsane ka 1972, 'me lenyalo la bona la hlohonolofatsoa ka morali a le mong.


E ile ea e-ba mokoetlisi oa sehlopha sa litebele sa sesole ka 1978. Ka 1992 a ikoetlisetsa botsamaisi ba

Motlatsi oa mookameli oa sesole Major General Rachobokoane Thibeli o ile a re Lt Col Mochesane e ne e se lesole la Lesotho feela. "Mochesane o ne a sa tsejoe Lesotho feela, empa o ne a tsejoa hohle lefatšeng ka lebaka la mesebetsi ea hae. A re rapeleng Molimo hore A re fe Mochesane e mong ho nka moo Mochesane a siileng teng," ke mantsoe a Major General Thibeli ea neng a bua ka ho hlomoha ho hoholo.

"Monna enoa ke e mong oa banna ba neng ba nthusa linakong tse thata. Ha masole a ne a le hlaha a bile a ikentse koko ea sechaba o ile a ba ruta molao. O ile a thusa ho tlisa khotso le botsitso naheng ena. O ne a tšepahala, a bile a sa nke litaelo habo empa o ne a li nka mosebetsing." Ana ke mantsoe a Lt Gen Makhula Mosakeng, ea neng a bonahala a tšoenyehile haholo.

Letona le khabane Mohlomphehi Sephiri Motanyane, lebitsong la Tona-Kholo (e le Letona la Tšireletso) o itse o nka Mochesane e le leqosa la khotso. "O ne a lakatsa ho etsa lintho tse ntle kamehla," letona la rialo. Letona le qeteletse ka ho kopa sechaba ho sebetsa 'moho le sesole e le hore ho be teng batho ba bangata ba kang Mochesane.

Litšebeliso tsa kereke li ne li eteletsoe pele ke Mopresita Patrick oa kereke e K'hatholike ea St. Monica's. Liletsi tsa liphala tsa sesole sa Lesotho le sehlopha sa libini tsa sesole li ile tsa fana ka 'mino o hlabosehang. ■



Mofu Lt Col Mochesane le motsoalle e mong oa hae ho la Croatia, moo a neng a eteletse pele sehlopha sa libapali tsa LDF

Joseph Pula Mochesane o hlahetse Tsikoane ka la 21 Pulungoana 1946. O kene sekolo sa mathomo St. Monica's. O ile a tsoela pele ka thuto e bohareng sekolong se phahameng sa 'Mabathoana moo a ileng pasa Form C.

Ka 1970 a kena sesoleng sa Lesotho. Kamorao ho koetliso e ile ea eba setho se matla sa

papali eo ea litebele naheng ea Mauritius. Ke hona selemong sona seo a ileng a khethoa hoba motlatsi oa molula setulo mokhatlong oa LABA. Ka 1993 a khethoa ho ba molula-setulo. Ka lebaka la makhabane a hae, mokhatlong o il'a tlotloa ka ho ba mookameli oa kamehla oa mokhatlo ka 1997. O sebelitse sesoleng nako e ka bang lilemo se 32.

Batlalehi ba ele hloko ho haboloa - Mosakeng




by
Pte Ntlele Ntoi

Molaoli oa Sesole sa Lesotho, LDF Lieutenant General Makhula Mosakeng o re thupello ea

litho tsa sesole ho tsa boqolotsi le bophatlalatsi ba litaba ke e 'ngoe ea katleho tse kholo sesoleng sa Lesotho.

Ha a ne a bua tšebeletsong ea ho
cont. on pg 21



Mookameli oa sesole Lt Gen AM Mosakeng o kopile baqolotsi ba **Mara** ho sebetsa ka boikarabelo le boitelo

Tlhatso ea makoloi ea phelisa

li tsoa qepheng la 14

ne a sa thabele boemo bo joalo ka tsela efe kapa efe.

Ofisiri e okametseng Lefapha la Thibelo ea Litlolo tsa Molao (CCU), Senior Inspector Thabo Thamae, o bolela hore lefapha la habo le tšoenngo ke ho phahama ha litlolo tsa molao, haholo motse-moholo, Maseru.

Thamae o itse bashanyana ba hlatsoang makoloi le bona ba se ba kentse letsoho litlolong tsa molao tse 'maloa, tse akhang tšebeliso e mpe ea lithethefatsi le ho pshatla makoloi.

Thamae o boletse hore Sepolesa se se nkile likhato tsa tšhabollo har'a sechaba ka ho epa lipitso ekasita le ho tšoara mekete ea lipina tsa menyanyako, 'me molaetsa oa tlhokomeliso o phatlalletsoe sechaba. "Me kannete khatelo pele ea

bonahala," ke Thamae eo.

Trooper Letsebamang Koetle, oa Lefapha la Lipatlisiso sepoleseng sa Lesotho, o boletse hore, litlolo tse tsa molao le ho pshatla makoloi ana ao li sebetsang ho oona, 'me li

Lefapha la habo le tšoenngo ke ho phahama ha litlolo tsa molao, haholo motse-moholo, Maseru, ho rialo Inspector Thamae.

ikhapele lintho tse ka bang molemo ho tsona tse akhang mehala ea thekeng (cellular phones), e be li rekisoa ka theko e tlaase haholo.

Koetle o itse litlohi tse tsa molao, ha li tšoeroe, li fetisetsoa makhotleng a molao "Me hangata-ngata, li fetisetsoa chankaneng ea bashanyana e Maseru ho fumana tšhabollo."

Thabo eena, ha a ikemisetsa ho phela joalo, "Ke tla itšebeletsa ka thata ho phelisa lelapa la heso, e seng ka litlolo tsa molao."

Monghali Mokethi Monaheng o tšepa Thabo haholo tlhoekisong ea sepalangoang sa hae, empa o khahliloe ke kamoo Thabo a nang le boikarabelo ka teng ba poloko ea chelete eo a e etsang tšebetsong ea hae. "Mohlankana enoa o se a bile a butse bukana ea lipolokelo Lesotho Bank, enoa motho ke mohale oa sebele," a rialo Monaheng. ■

koala ka molao thupelo ea bophatlalatsi ba litaba mane ntlokhoho ea sesole Ha Ratjomose, ka la 2 Tlhakubele, Lieutenant General Mosakeng o hlokomelisitse ba neng ba kenetse thupelo eo hore tšebetso ea bona ke ea boikarabello bo boholo.

“Hee banna ba heso, le tle le hlokomele hore tlaheho ea lona e tla ba e nkoang haholo hobane le na le bokhoni ba ho fihlella hohle moo ba bang ba sitoang ho fihla teng. Ka hona, le tle le ele hloko kotsi ea ho habolaa; tsebo e nyane e ka baka tlokotsi e khoho. Ke mosebetsi oa bophatlalatsi o ileng oa nka karolo e khoho meferefereng ea 1998. Ha lona ebe ho bopa likamano tse mofuthu le sechaba sena sa Basotho. Le se tlahele tsa bohlokoa tseo sesole se li etsang, tse kang letšolo la ho phahla masholu a liphoofolo leo bomphato’a lona ba keneng ho lona mane Mokhotlong le tse ling tse joalo,” Lieutenant General a rialo, a ba laea ka thata.

Molaoli oa sesole sa Lesotho joale ka libui tsohle tse ileng tsa lelekela puo ea hae, o ile a boela a toboketsa ntlha-kemo ea hae ka ho hlokomelisa ba neng ba kenetse thupelo hore ba lebeletsoe ho sebetsa ka lerato, botšepahi, sebete le ‘nete eohle. General o bile a ba laea ho sebetsa ka thata ka mehla eohle hore ba tle ba qetelle ba e-na le boiphihlelo bo babatsehang tšebetsong ea bona.

“Ke leqe haholo hore ke hle ke re ke koala thupelo ena ka molao. Ha re nkeng e le khofu feela ha nakoana banna ba heso,” ke eena a ba lemosa hore ba se ee le khongoana holimo ka hore thupelo eo e se e le pheletso ea boikoetliso ba bona. Lt Gen Mosakeng o ile a thetha polelo ea

hae e neng e mametsoe ka litsebe tse lethoethoe ke bohle ka ho isa teboho e khetheleng ho Dr Lebohang Lejakane oa LL Productions Media Consultancy, eo e bileng morupeli ka tšebetso ea hae e matla, le mookameli Lekaleng

hore eka baokameli ba rona ba ka elleloa bohlokoa ba ho hlophisa lithupelo tse kang ena kamoso molemong oa ho chorisa tsebo eo re seng re e fumane,” ke Rajane eo.

Ha e le e mong oa baqolotsi ba



Ana ke makoloane a baqolotsi ba litaba ba **Mara**, ba ileng ba laoa ka thata ho phetha mosebetsi oa bona ka boitelo le makhethhe ohle

la Phatlalatsi Monghali Thabiso Makintane. Liteboho tse ikhethileng li boetse li lebisitsoe ho Mofumahali Violet Maraisane oa LENA ka boeletsi ba hae bo ileng ba thusa hore ho hlophisoe thupelo ena.

Puisanong le e mong oa ba neng ba kenetse thupelo, Private Thabiso Rajane, eena o boletse

litaba eo e seng e le pelesa e meja tšebetsong ena, eena o ile a re, “Ruri re le lakaletsa katleho e khoho tšebetsong ena ea rona e boima. E se eka ‘moho re ka sebeletsang ho bopa bonngoe, kutloano le khotso sechabeng sena sa habo rona.”


Har’a bamemuoa ba khabane ba bileng teng tšebeletsong ena ebile

“Hee banna ba heso, le tle le hlokomele hore tlaheho ea lona e tla ba e nkoang haholo hobane le na le bokhoni ba ho fihlella hohle moo ba bang ba sitoang ho fihla teng...”


hore le ha sethathong ho ne ho le boima, ka kakaretso thupelo eo e ba file malebela a ho phetha tšebetso ea bona ka bokhabane.

“E boetse ke tabatabelo ea rona

Dr. Lejakane (Morupelli), Monghali Makintane, liofisiri tse khoho tsa sesole ho tsoa mafapheng a fapakaneng a tšebetso hammoho le batlalehi ba litaba ka mafapha a bona ka ho fapana. ■



LITŠOANTŠO TSA LEPATO



Col Mohanoe Lefosa o bua e le mooki Lepatong la mofu
Lt Col Mochesane



Maj Gen A R Thibeli le eena o ile a fana ka mantsoe a
matšelisano ho lelapa la Mochesane



Mookameli oa sesole, Lt Gen A M Mosakeng, o
khothatsa lelapa le basebetsi 'moho



Liofisiri tsa sesole li nkile lekese la mofu



Lt Gen Makhula Mosakeng (ho le letšehali) Mohl
Lesao Lehohla (bohareng) le Mohl Sefhiri Motanyane
(ho le letona) le bona ba ile ba ba teng lepatong la
Lt Col Mochesane



Lepatong la Lt Col Mochesane, masole a ile a thunya ka
makhetlo moeeng, joale ka ha e le moetlo oa mapoto a
sesole

PUBLIC AFFAIRS OFFICE
2001-04-14
LESOTHO DEFENCE FORCE

